



UNIVERSITÄTS-
BIBLIOTHEK
PADERBORN

**Die xxiv. Aprilis In Festo Sancti Fidelis A Sigmaringa
Protomartyris Sacr. Congregationis de Propaganda Fide**

Paderbornae, 1771

Die xxiv. Aprilis. In Festo Sancti Fidelis A Sigmaringa Protomartyris Sacr.
Congregationis de Propaganda Fide. Duplex.

[urn:nbn:de:hbz:466:1-62777](https://nbn-resolving.org/urn:nbn:de:hbz:466:1-62777)

Die xxiv. Aprilis.

IN FESTO

SANCTI FIDELIS
A SIGMARINGA
PROTOMARTYRIS

Sacr. Congregationis de Propaganda Fide.

DUPLEX.

*Omnia de Communi Mart. temporis Pascha-
lis; præter ea, quæ hic assignantur.*

O R A T I O.

DEUS, qui Beatum Fidelem Seraphi-
co Spiritus ardore succensum in ve-
ræ Fidei propagatione Martyrii pal-
ma, & gloriosis miraculis decorare digna-
tus es: ejus quæsumus meritis, & inter-
cessione, ita nos per gratiam tuam in Fi-
de, & Charitate confirma, ut in servitio
tuo fideles usque ad mortem inveniri me-
reamur. Per Dominum &c.

LECTIONES I. NOCTURNI.

De Script. occur.

IN II. NOCTURNO.

Lectio IV.

FIDELIS in Oppido Sueviæ Sigmaringa,
ex honesta Reyorum familia natus, ab
ineunte ætate singularibus naturæ, & gra-

A

tia

tia donis ornatus præfulsit. Egregiam quippe fortitus indolem, morumque optima imbutus disciplina, dum Friburgi Philosophiæ, & Juris utriusque lauream emeruit, in Schola etiam Christi ad perfectionis aspiciem sedulo virtutem exercitio contendere cœpit. Nobilium exindè Virorum varias Europæ Provincias Iustrantium comes adscitus, eos ad Christianam pietatem sectandam tam verbis, quàm operibus excitare non destitit. Quinimò in eodem itinere crebris austeritatibus desideria carnis mortificare, ac ita seipsum regere studuit, ut in tanta rerum vicissitudine nullo unquam visus fuerit iræ motu perturbari. Juris præterea, & justitiæ strenuus propugnator, post reditum in Germaniam celebre sibi nomen acquisivit in Advocati munere, in quo tamen cum Forti pericula esset expertus, tutiorem æternæ salutis viam ingredi deliberavit, & superna vocatione illustratus paulò post Ordini Seraphico inter Fratres Minores Capucinos adscribi petiit. R. Lux perpetua.

Lectio V.

Pia petitionis compos redditus, mundi, sui que contemptor insignis in ipso statim tyrocinio, magisque cum solemnibus
Pro-

Professionis vota in gaudio Spiritus Domini nuncupasset, in Regulari observantia omnibus admirationi fuit, & exemplo. Orationi maximè, & sacris litteris vacans, in verbi quoque ministerio singulari gratia excellens, nedum Catholicos ad meliorem frugem, verùm etiam Heterodoxos ad veritatis cognitionem attraxit. Pluribus in locis Cœnobii Præfectus constitutus, prudentia, justitia, mansuetudine, discretione, & humilitatis laude, munus sibi demandatum exercuit. Arctissimæ Paupertatis zelator egregius, quidquid vel minùs necessarium videretur, è Cœnobia penitùs eliminavit. Inter austera jejunia, vigiliis, & flagella salutari seipsum prosequens odio, in alios amorem, quasi mater in filios ostendit. Cum pestifera febris Austriacas militares copias dirè affligeret, ipse in extremis infirmorum indigentibus ad assidua Charitatis officia toto spiritu incubuit. In componendis etiam animorum dissidiis, aliisque proximi necessitatibus sublevandis consilio, & opere adeò præclarè se gessit, ut Pater Patriæ meruerit appellari. R. In Servis.

Lectio VI.

Deiparæ Virginis, & Rosarii Cultor eximius, illius præcipuè, aliorumque
San-

Sanctorum patrociniis à Deo postulavit, ut in Catholicæ Fidei obsequium vitam sibi, & sanguinem fundere liceret. Cumque ardens hoc desiderium in quotidianâ Sacri devotâ celebratione magis accenderetur, mirâ Dei Providentiâ factum est, ut fortis Christi Athlêta Præses eligeretur illarum Missionum, quas Congregatio de Propaganda Fide pro Rhætia tunc temporis instituerat. Quod arduum munus prompto, hilarique animo suscipiens, tanto fervore executus est, ut pluribus Hæreticis ad Orthodoxam fidem conversis, spes non modica effulserit totius illius gentis Ecclesiæ, & Christo reconciliandæ. Prophetiæ dono præditus futuras Rhætiae calamitates, sui que necem ab Hæreticis inferendam sæpius prædixit. Postquam verò insidiarum probè conscius impendenti agoni se præparasset, die vigesima quarta Aprilis Anni millesimi sexcentissimi vigesimi secundi ad Ecclesiam loci, Sevisium nuncupati, se contulit, ubi ab Hæreticis, qui pridie conversionem simulantes, eum dolosè ad prædicandum invitaverant, concione tumultuariè interruptâ, per verbera, ac vulnera eidem crudeliter inflictâ gloriosam mortem magno, & alacri corde perpeffus, Primitias Martyrum memoratæ
Con-

Congregationis proprio sanguine consecra-
vit; pluribus signis, & miraculis exinde
clarus, præsertim Curia, & Veldkirchii,
ubi summâ populi veneratione illius Reli-
quæ asservantur. R. Filia Jerusalem.

*In tertio Nocturno, Homilia S. Augusti-
ni Episcopi, in Evangelium: Ego sum vi-
tis vera, & Pater meus; de Communi Mar-
tyrum temporis Pasch. primo loco.*

MISSA: Protexisti: *de Comm. unius Mart.
temp. Pasch.*

*De Præcepto in Univ. Eccl. sub ritu dupl.
min recitand. ab omnib. Christifidel. tam Se-
cul. quàm Regular. utriusque Sexûs, quid ad
Horas Canonic. tenentur, ex Decreto Urbis
& Orbis edito à Clemente PP. XIV. sub Die
16. Febr. 1771,*

Juxta Exemplar Romanum.

Cum Permissu Superiorum.



Paderbornæ Typis & Sumptibus Wilhelmi
Junffermann, Typog. Aul. 1771.

Congregationis proprio sanguine confecta
vix, plures dignas, & musciculis exinde
claris, praeterim Euria, & Veldkitchin,
notissima populi veneratione illius Reli-
gione abierunt. Per Filia Jerusalem.
In tertia Nocturno, Homilia S. Augustini.
In Epistola, in Romanorum: Ego sum vi-
tus vera, & Mater mea; de Communi Ma-
trium temporis. Pars prima loco.

Missa: Proceffit: de Communi Mater
trium Pars.

De Processione in Unio. Pars, sub vna huius
vix recitatur ad organo. Christophel. Pars 2.
vix, quibus huius. scribitur Pars, quid ad
hanc Curiam. tractatur, et Decreto Urbis
de Ordine huius Curiae Pars. Pars. Pars. Pars.
1777.

Iuxta Exemplar Romanum

Capitulum huius

Indicium huius & huiusmodi huiusmodi
Indicium huius & huiusmodi huiusmodi